



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLVIII - Broj 9 Petak, 4.12.2015. godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	---	---

Na osnovu člana 23. Zakona o prostornom planiranju i korištenju zemljišta na nivou Federacije BiH ("Službene novine FBiH", broj 2/06, 72/07, 32/08 i 4/10), člana 13 stav 1. alineja 3 Zakona o principima lokalne samouprave u Federaciji BiH ("Službene novine FBiH", broj 49/06), odredbi Uredbe o jedinstvenoj metodologiji za izradu dokumenata prostornog uređenja ("Sl. novine FBiH", broj 63/04), članova: 41, 42, 43, 44, 45, 46, 47, 48, 49, 50 i 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14) te člana 14 statuta općine Tešanj ("Sl. glasnik općine Tešanj", broj 11/07) Općinsko vijeće Tešanj na 35. redovnoj sjednici održanoj dana 2.12. 2015. godine, donijelo je:

ODLUKA O PROVOĐENJU IZMJENA I DOPUNA REGULACIONOG PLANA "POSLOVNA ZONA GLINIŠTE" OPĆINA TEŠANJ

Uvodne odredbe

Član 1.

Ovom Odlukom utvrđuje se provođenje Izmjene i dopune Regulacionog plana "Poslovna zona Glinište" općina Tešanj (u daljem tekstu Plan), te uvjeti korištenja, izgradnje, uređenja i zaštite prostora i objekata unutar obuhvata, a naročito: granica obuhvata Plana i granica površina raznih namjena, urbanističko-tehnički uvjeti, uvjeti uređenja građevinskog zemljišta, uvjeti za uređenje fasada, uvjeti uređenja zelenih i slobodnih površina, mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, mjere zaštite prava lica sa smanjenim tjelesnim sposobnostima, te odnosi prema postojećim građevinama.

Područje za koje se vrši izmjena i dopuna Plana obuhvata lokalitet kojim su obuhvaćene parcele označene kao k.č.broj: 57/1, 57/2 57/3, 58/2, 948/2 i 59, k.o. Jelah kako je prikazano u grafičkom dijelu plana.

Plan se sastoji od grafičkog i tekstualnog dijela.

Obaveznost Plana

Član 2.

Intervencije u prostoru na obuhvatnom području moraju biti u skladu sa Planom.

Od momenta stupanja na snagu Plana, zabranjuju se sve radnje koje su u suprotnosti sa Planom.

Provođenje Plana

Član 3.

Provođenje Plana vrši se putem urbanističke saglasnosti koju izdaje organ nadležan za poslove urbanizma.

Urbanistička saglasnost izdaje se na osnovu Plana za svaki objekat i sadržaj za koji se planira izgradnja, osim za privremeno korištenje javnih površina koje je regulisano posebnom Odlukom.

Urbanistička saglasnost može se izdati i za privremene objekte i to za sadržaje i objekte propisane Zakonom i ovim Planom.

Organ nadležan za poslove urbanizma dužan je da odbije sve zahtjeve za izdavanje urbanističke saglasnosti koji nisu u skladu sa ovim Planom.

Izradnja objekata, vršenje građevinskih i drugih radova odobrava se ako je prethodno utvrđeno da su ispunjeni uslovi predviđeni Zakonom i ovim Planom. Da su ispunjeni svi uslovi potvrđuje se izdavanjem odobrenja za građenje.

Odobrenje za građenje izdaje organ nadležan za poslove urbanizma na način i postupak utvrđen Zakonom o prostornom uređenju i građenju.

U toku provođenja Plana ne mogu se vršiti bitne izmjene Plana, kao što su namjena površina, osnovne saobraćajnice, smanjenje širine saobraćajnica i smanjenje kapaciteta infrastrukturne mreže, odnosno ne može se mijenjati osnovna koncepcija Plana.

Obuhvat plana

Član 4.

Granica obuhvata Plana definisana je u grafičkom prilogu.

Zemljište obuhvata nalazi se u K.O. Rosulje. Površina obuhvata iznosi 8.329,00m².

Urbanističko-tehnički uslovi izgradnje

Član 5.

Urbanistička saglasnost za pojedinačne objekte ili grupu objekata koji čine urbano-arhitektonsku cjelinu uključujući i faznu izgradnju kao i druge zahvate predviđene ovim Planom, sadržavat će urbanističko-tehničke uslove propisane Zakonom i uslove date u Izmjeni i dopuni Regulacionog plana "Poslovna zona Glinište", općina Tešanj.

Urbanističku saglasnost izdaje organ nadležan za poslove urbanizma a na osnovu idejnog arhitektonskog ili građevinskog projekta za sve urbane cjeline koje su u skladu sa zakonskom procedurom i ovim Planom.

Položaj objekta na parceli definisati će se na osnovu idejnog projekta i sljedećih uslova:

- davanje maksimalnih horizontalnih gabarita za namjene objekata definisanim ovim Planom uslovljeno je uspostavljanjem sklada između zahtjeva (želja) investitora i veličine parcele na kojoj se gradi a utvrđeno regulacionim i građevinskim linijama.

- Osim koeficijenta izgrađenosti ($K_i < 1$) i procenata izgrađenosti, moraju se ispoštovati i uslovi kojima se na svakoj parceli na kojoj se gradi proizvodni objekat mora obezbijediti protupožarni pristupni put.

- Za planirane poslovne i poslovno-proizvodne objekte maksimalna spratnost (P+1, P+4) a moguća ukupna visina prizemne etaže do maksimalnih 9,00m. Detaljnim urbanističko-tehničkim uslovima određuje se definitivna spratnost objekta (na obrazložen zahtjev investitora veća za jednu punu, potkrovnju, mansardnu ili povučenu etažu). Na lokacijama na kojima konfiguracija terena dozvoljava za sve objekte se može predvidjeti i podrumaska ili suterenska etaža.

- Krovovi objekata se preporučuju da budu kosi, u nagibu, primjereno klimatskim uvjetima. Objekte treba graditi od čvrstih materijala uz maksimalno poštivanje tehničkih propisa. Objekti moraju biti građeni u skladu sa okolinom i tako da zadovoljavaju estetske i ostale propise. Fasade se mogu malterisati ili obrađivati na tradicionalan način, tipičan za podneblje (oblaganje daskom, šindrom, kamenom itd.). Građenje objekta, kao i završni zanatski radovi na izvedbi fasada na objektima se moraju okončati u roku, a najdalje u roku 3 godine od početka izgradnje. Na objektima se trebaju primjenjivati rješenja koja omogućavaju dobivanje energije na održiv način. Ukoliko se objekti ne mogu priključiti na kanalizacionu mrežu moraju imati vezu sa septičkom jamom koja mora biti izgrađena tako da udovolji najstrožim sanitarnim normama.

- Pri izradi projektne dokumentacije u postupku urbanističke saglasnosti i odobrenja za građenje, nadležna Služba je dužna obezbijediti da se primjeni Uredba o urbanističko-tehničkim uslovima, prostornim standardima i normativima za otklanjanje i spriječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala. Obavezno je dati uslove i mjere svim učesnicima u projektovanju i izgradnji javnih i stambenih objekata za normalno korištenje istih licima sa umanjnim tjelesnim sposobnostima. U definisanju namjene određenih prostora i objekata obavezno se mora uzeti u obzir i ova kategorija stanovništva.

- Urbani mobilijar prilagoditi savremenim potrebama i trendovima;

- U postupku izdavanja urbanističko-tehničkih uslova, a u cilju očuvanja slobodnih površina i obezbjeđenja dovoljne osvijetljenosti objekata, neophodno je definisati odstojanje između najisturenijih dijelova objekata, ne računajući krovnu strehu, na sljedeći način:

- između prizemnih objekata 4,00m

- između spratnih objekata (P+1) 6,00m

- između spratnih objekata (P+2 do P+4) 8,00m

- udaljenost između objekata spratnosti preko P+4 moraju odgovarati 1/2 planirane visine objekta ili bliže uz pisanu saglasnost vlasnika susjedne parcele.

Ukoliko na bočnim fasadama već izgrađenih objekata ne postoje otvori na stambenim/poslovnim prostorijama nego samo pomoćnim (ulaz, hodnik, stepenište, ostava, kupatilo) odstojanja iz prethodnog stava mogu biti i manja, ali ne manja od 1,0m od granice susjedne parcele, pod uvjetom da objekat koji se gradi isto tako ne smije imati otvore stambenih/poslovnih prostorija na toj strani.

Ako na susjednoj parceli nema objekata odstojanja od međne linije parcele mora biti minimalno 3,00m ako će objekat imati otvore na stambenim/poslovnim prostorijama sa te strane, odnosno minimalno 1,00m ako neće biti otvora na stambenim/poslovnim prostorijama.

Ukoliko na susjednim parcelama postoje već izgrađeni objekti a udaljenosti od međa i objekata su manje od udaljenosti iz prethodnih stavova a vertikalni gabariti su veći od gabarita iz prethodnih stavova ovog člana, investitor na svojoj parceli može graditi objekat istih vertikalnih gabarita, iste udaljenosti od međe i istih vrsta otvora, bez saglasnosti susjeda, po principu jednakosti.

Objekat koji se gradi, svakom svojom najisturenijom tačkom ne smije prelaziti međne linije parcele investitora.

Izuzetno od odredbi prethodnih stavova, vlasnici i korisnici susjednih parcela mogu se sporazumjeti drugačije. Sporazum, ukoliko se dostavlja zajedno sa zahtjevom za izdavanje urbanističke saglasnosti, mora da bude sastavljen u pismenom obliku i ovjeren odnosno može se dati i usmeno na zapisnik kod voditelja postupka nakon podnošenja zahtjeva.

- Javne površine (zelene površine, parkirališta, pločnici i sl.) ne mogu se zauzimati (uzurpirati) drugim objektima i sadržajima osim na način i u skladu sa Odlukom o korištenju javnih površina;

- Na svim društvenim/državnim parcelama planirati javne zelene površine koje će se obraditi detaljnim planom uređenja;

Regulacione i građevinske linije

Član 6.

Građevinska linija utvrđuje graničnu liniju objekta u odnosu na javnu površinu, ulicu, vodotok ili druge objekte od kojih mora biti odvojena zbog funkcionalnih, estetskih ili zaštitnih razloga;

Ovim Planom utvrđuju se građevinske linije objekata u odnosu na ulicu i to za linije iskolčenja prizemlja objekata;

Građevinska linija označava maksimalni gabarit objekta. Unutar građevinskih linija investitor je slobodan da definiše tlocrt objekta u ovisnosti od potreba i želja;

Građevinske i regulacione linije date su u separatu Projekta – Plan regulacionih i građevinskih linija, RP.08;

Izgradnja/postavljanje privremenih objekata

Član 7.

Izgradnja objekata privremenog karaktera može se odobriti isključivo u skladu sa Zakonom o prostornom uređenju i građenju Ze-Do kantona ("Službene Novine Ze-Do kantona" broj: 1/14).

Nivelacioni elementi

Član 8.

U saobraćajne površine spadaju postojeće i planirane kolsko-pješačke i pješačke površine.

Osnovnom postavkom saobraćajnica i rješenjem nivelete istih, kao i praćenjem nivelete terena, ovim Planom su dati orijentacioni nivelacioni elementi uređenja terena oko objekata.

U postupku izdavanja urbanističke saglasnosti i rješavanja svake mikrolokacije detaljno će se definisati nivelacioni elementi, uz uslov poštivanja Planom definisane nivelacije mreže saobraćajnica, kao i uslov da nivelacija poda prizemlja objekta, odnosno cca kota poda prizemlja iznosi +0,30cm iznad kote okolnog uređenog terena.

Plan saobraćajnica prikazan je u grafičkom prilogu Plana RP.09.

Uslovi za oblikovanje naselja

Član 9.

Pješačke komunikacije se formiraju od otvorenih površina, kao što su odgovarajući trotoari, manipulativni prostori oko objekata, pješačke šetnice. Ove površine se adekvatno obrađuju, tako da se njihova habajuća površina prilagođava uvjetima prostora i korištenja.

Svi arhitektonski objekti moraju se projektovati i izvoditi prema uvjetima datim u okviru ovog Plana.

Za arhitektonsko oblikovanje ovih objekata treba upotrebljavati savremene materijale - beton, staklo, čelik, a arhitektonske forme prilagoditi i uskladiti sa ritmom i elementima već izgrađenih objekata.

Prilikom izgradnje objekata potrebno je predvidjeti dovoljan broj parking mjesta u skladu sa urbanim standardima.

Ograde se mogu podizati na građevinskim parcelama za postojeću i planiranu izgradnju. Maksimalne visine ograda su 1.20 m (2,0m za ograde uz proizvodne objekte), postavljene po regulacionoj liniji, transparentne i uz kombinaciju sa živim materijalom

(živa ograda). Unutar saobraćajnog ugla preglednosti ne mogu se postavljati ograde, vršiti sadnja visokog zelenila ili graditi druge fizičke strukture. Vrata i kapije uličnih ograda ne smiju se otvarati prema ulici, odnosno na pločnik van građevinske linije. Postojeće ulične kapije i ograde koje svojom veličinom, oblikom, vrstom materijala i estetskim izgledima narušavaju i štete cjelokupnom izgledu ulica i objekata ili nisu izgrađene na regulacionoj liniji moraju se na zahtjev organa nadležnih za gradnju ukloniti odnosno zamijeniti. Za izgradnju popravljane i bojenje ograda uz ulicu mora se prethodno pribaviti odobrenje od organa nadležnog za gradnju.

Javne zelene površine organizirati kao urbani prostor.

Sva izmještanja i dokapacitiranja komunalne infrastrukture moraju biti usklađena i usaglašena između korisnika/upravitelja instalacija i investitora a shodno uslovima i zahtjevu vlasnika nekretnine, osim ako u sporazumima/ugovorima između korisnika/upravitelja instalacija i vlasnika nekretnina ne stoji drugačije.

Uređenje građevinskog zemljišta

Član 10.

Izgradnja objekata može se vršiti samo na prethodno uređenom građevinskom zemljištu. Izuzetno, izgradnja objekata može se vršiti i na neuređenom građevinskom zemljištu uz obavezu Investitora da izvrši minimalno uređenje i to:

- da građevinski objekat može snabdijevati vodom za piće,
- da građevinska parcela ima uslove za izgradnju kanalizacione mreže po sanitarno-tehničkim propisima,
- da građevinska parcela ima obezbijeđen kolski i pješački pristup,
- da postoji mogućnost priključka objekta na električnu mrežu.

Plan parcelacije

Član 11.

Planom parcelacije utvrđuje se: veličina, oblik i položaj parcela.

Građevinske parcele se mogu cijepati i spajati zavisno od namjene planiranih objekata kao i njihove veličine a parcele saobraćajnica su definisane grafičkim dijelom Plana.

Svaka građevinska parcela, prije izdavanja odobrenja za građenje na istoj, treba da ima riješen pristup na javnu površinu. Ukoliko se od jedne katastarske parcele formira više građevinskih parcela (u postupku parcelacije), obavezno je da pristupni put za građevinske parcele (ukoliko građevinska parcela nema direktan pristup na javnu površinu) bude formiran kao zasebna katastarska parcela s tim da se prije izdavanja odobrenja za građenje za bilo koju novoformiranu građevinsku parcelu, pristupni put upiše u zemljišnim evidencijama kao javna površina ili kao suvlasništvo investitora. Izuzetno, investitor može imati i obezbjeđeno pravo služnosti do javne površine koje je regulisano Ugovorom ili sudskom odlukom.

Zaštita i spašavanje ljudi i materijalnih dobara od prirodnih i drugih nesreća

Član 12.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Završne odredbe

Član 13.

Izmjene i dopune Plana vrše se na način i po postupku za donošenje Plana.

Član 14.

Stupanjem na snagu Odluke o provođenju Izmjena i dopuna Regulacionog plana „Poslovna zona Glinište“, općina Tešanj, prestaje da važi Odluka o usvajanju i provođenju Regulacionog plana „Poslovna zona Glinište“, općina Tešanj ("Službeni glasnik općine Tešanj" broj: 9/09) za obuhvat definisan u Članu 1. ove Odluke.

OPĆINA TEŠANJ
OPĆINSKO VIJEĆE

PREDSJEDAVALJUĆI VIJEĆA
Senad N. Subašić, s. r.

Broj: 01-23-6-863-4/15

Datum: 3.12.2015.godine

Na osnovu člana 9. Odluke o općinskim priznanjima općine Tešanj („Službeni glasnik Općine Tešanj“ broj 4/15) i člana 14. Statuta Općine Tešanj („Službeni glasnik Općine Tešanj“ broj 11/07) Općinsko vijeće Tešanj na svojoj 35. sjednici održanoj dana 2.12.2015. godine donijelo je

O D L U K U

o dodjeli priznanja Općine Tešanj za 2015. godinu

Član 1.

Općinsko vijeće Tešanj kao znak priznanja za izuzetan rad i doprinos na razvoju općine, zaštiti ljudi i materijalnih dobara, zaštiti ljudskih prava i socijalne zaštite, razvoju kulture i umjetnosti te afirmaciji općine Tešanj, priznanje Općine Tešanj "Plaketa" dodjeljuje sljedećim osobama:

- Fuad Šišić
- Omer Pobrić, posthumno
- Mustafa Cerovac
- Šemsudin Mehmedović
- Muhamed Članjak, posthumno

Član 2.

Priznanja Općine Tešanj iz člana 1. ove odluke dodijelit će se u 2015. godini na svečanoj sjednici povodom 10. decembra – Dana grada Tešnja.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-49-1-1669-8/15
Datum: 3.12.2015. godine**

Na osnovu člana 29. stav 1. tačka 1. Zakona o zaštiti o i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03, 22/06 i 43/10) i člana 14. Statuta općine Tešanj ("Službeni glasnik općine Tešanj", broj: 11/07), Općinsko vijeće Tešanj na svojoj

35. sjednici održanoj 2.12.2015. godine, donijelo je

ODLUKU O IZMJENAMA I DOPUNAMA ODLUKE O ORGANIZIRANJU I FUNKCIONIRANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA NA PODRUČJU OPĆINE TEŠANJ

Član 1.

U Odluci o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj („Službeni glasnik Općine Tešanj“, broj: 2/08, 9/09 i 2/14), članovi 22., 23., 24. i 25. brišu se.

Dosadašnji član 26., postaje član 22.

Član 2.

U članu 49. stav 3. alineja prva tekst " i Štaba CZ mjesnog područja", briše se.

Član 3.

U daljem tekstu Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj tekst "štabovi civilne zaštite" se mijenja tekstem "Općinski štab civilne zaštite".

Član 4.

Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-44-4-5179-4/15
Datum: 3.12.2015.godine**

Na osnovu člana 14. Statuta Općine Tešanj («Službeni glasnik Općine Tešanj» broj 11/07) i člana 40. Poslovnika o radu Općinskog vijeća Tešanj («Službeni glasnik Općine Tešanj» broj 7/08, 1/12 i 7/12), Općinsko vijeće Tešanj na svojoj 35. sjednici održanoj dana 2.12.2015. godine donijelo je

**PROGRAM RADA
OPĆINSKOG VIJEĆA TEŠANJ
ZA 2016. GODINU**

I – UVOD

Program rada Općinskog vijeća Tešanj za 2016. godinu proizlazi iz prava, dužnosti i nadležnosti Vijeća, utvrđenim Ustavom, Zakonom i Statutom Općine, kao i aktivnosti koje proizlaze iz Programa rada, koji čini pitanja iz djelokruga Vijeća koja će se razmatrati na sjednicama Vijeća.

Program rada Vijeća svojim osnovnim sadržajem usmjeren je na određene teme koje se planiraju razmatrati na sjednicama Vijeća, kako u vidu normativno-pravnog regulisanja pitanja iz samoupravnog djelokruga Općine, tako i tematsko-izvještajnog djelokruga aktivnosti Vijeća.

Općinsko vijeće će, takođe, na osnovu prijedloga ovlaštenih predlagača, razmatrati i pitanja koja proističu iz podijeljene nadležnosti između Općine i viših nivoa vlasti.

II – SADRŽAJ PROGRAMA

Općinsko vijeće Tešanj će u 2016. godini razmatrati:

A) period januar – mart:

- Nacrt Odluke o izmjenama i dopunama RP za naseljeno mjesto Tešanjka,
- Prijedlog Odluke o izmjenama i dopunama RP “Poslovna zona Bukva”,
- Nacrt Odluke o izmjenama i dopunama RP “Poslovna zona Glinište”,
- Prijedlog Odluke o izmjenama i dopunama RP “Poslovna zona Glinište”,
- Nacrt Odluke o izmjenama i dopunama RP Centar Jelah (po inicijativi MZ Jelah),
- Nacrt Odluke o izmjenama i dopunama RP “Jugozapad” Tešanj,
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2016. godini,

- Odluka o usvajanju Liste kapitalnih projekata za budžetsku 2016. godinu,
- Odluka o visini prosječne konačne cijene m² stambenog prostora za 2015. godinu,
- Izvještaj o radu Općinskog pravobranilaštva za 2015. godinu,
- Izvještaj o radu Općinskog vijeća za 2015. godinu,
- Izvještaj o realizaciji kapitalnih projekata za 2015. godinu,
- Izvještaj Općinskog načelnika za period od 01.01. do 31.12.2015. godine,
- Informacija o stanju poljoprivrede i realizaciji općinskog poticaja na području općine Tešanj u 2015. godini
- Informacija o izvršenom deminiranju, trajnom obilježavanju i uklanjanju NUS-a u 2015. godini na području općine Tešanj,
- Informacija o radu mjesnih zajednica za 2015. godinu,
- Informacija o radu nevladinih organizacija na općini Tešanj za 2015. godinu,
- Informacija o radu Općinskog suda Tešanj za 2015. godinu,
- Informacija o stanju bezbjednosti na području općine Tešanj, i bezbjednosti učesnika u saobraćaju na području općine Tešanj za 2015. godinu,
- Informacija o realizaciji Strategije općine Tešanj,
- Informacija o razvoju i iskorištavanju turističkih potencijala uključujući i rad turističke zajednice Zeničko-dobojskog kantona (ured Tešanj) za 2015. godinu.

B) period april – juni:

- Izvještaj o izvršenju Budžeta za 2015. godinu,
- Izvještaj o izvršenju Budžeta za I (prvi) kvartal 2016. godine,
- Prijedlog Odluke o izmjenama i dopunama RP za naseljeno mjesto Tešanjka
- Prijedlog Odluke o izmjenama i dopunama RP “Jugozapad” Tešanj
- Prijedlog Odluke o izmjenama i dopunama RP Centar Jelah (po inicijativi MZ Jelah)

- Informacija o poslovanju javnih preduzeća na području općine Tešanj u 2015. godini (Izvještaj o poslovanju JP Toplana, Izvještaj o poslovanju JP "Rad", Izvještaj o poslovanju JP TRA),
- Informacija o radu i poslovanju javnih ustanova čiji je osnivač Općina Tešanj za 2015. godinu (Izvještaj o radu JU Opća Biblioteka, Izvještaj o radu JU Centar za socijalni rad, Izvještaj o radu JZU Apoteka "Tefarm", Izvještaj o radu JZU Opća bolnica Tešanj, Izvještaj o radu JU Centar za kulturu i obrazovanje, Izvještaj o radu JZU Dom zdravlja "Izudin Mulabećirović Izo" Tešanj, Izvještaj o radu JU Sportsko-rekreacioni centar Tešanj, Izvještaj o radu JU Muzej Tešanj),
- Informacija o organizovanju i funkcioniranju sistema zaštite i spašavanja i zaštite od požara za 2015. godinu,
- Informacija o ostvarivanju prava pripadnika boračkih populacija putem Službe za boračko-invalidsku zaštitu,
- Informacija o zimskom održavanju lokalnih puteva na području općine Tešanj za sezonu 2015/2016. godina.
- Nacrt Odluke o izmjenama i dopunama "Urbanističkog plana Jelah"
- Prijedlog Programa rada Općinskog vijeća za 2017. godinu,
- Odluka o odobravanju finansijskih sredstava za dodjelu stipendija redovnim studentima za akademsku 2016/2017. godinu,
- Svečana sjednica Općinskog vijeća Tešanj povodom „10. decembra – Dan grada Tešnja“,
- Informacija o završetku školske 2015/2016. godine i upisu učenika u školsku 2016/2017. godinu u osnovnim i srednjim školama na području općine Tešanj,
- Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama,
- Informacija o rješavanju statusa izbjeglih i raseljenih lica na području općine Tešanj,

III

Na prijedlog Programa rada za 2016. godinu dostavljeni su sljedeći amandmani o kojima nije bilo izjašnjenja:

o Amandman Kluba vijećnika SiH:

U Program rada Općinskog vijeća za 2016. godinu dodaje se:

-Informacija o provedbi Akcionog plana radne ravnopravnosti sa fokusom na unaprjeđenje položaja žene u ruralnom području općine Tešanj za period 2014-2016-godina,

-Izvještaj o dodijeljenom općinskom zemljištu na korištenje i stepenu privođenja krajnjoj namjeni.

-Izvještaj o zaključenim ugovorima o zakupu objekata i prostora koji su u vlasništvu općine Tešanj.

o Amandman Kluba vijećnika SDP:

U sadržaj Programa rada dodaje se:

-Informacija o položaju mladih na prostoru općine Tešanj,

-Informacija o stanju zaštite životne sredine na području općine Tešanj,

-Informacija o radu MZ za I polugodište 2016. godine,

-Svečana sjednica OV Tešanj povodom 25. novembra – Dana državnosti.

C) period juli – septembar:

- Izvještaj o izvršenju Budžeta za I polugodište 2016. godine,
- Izvještaj o radu Općinskog vijeća za period 01.01. – 30.06.2016. godine,
- Informacija o stanju bezbjednosti na području općine Tešanj za I polugodište 2016. godine i bezbjednosti učesnika u saobraćaju na području općine Tešanj.
- Informacija o radu Zavoda za zapošljavanje - Biro Tešanj za 2015. godinu.

D) period oktobar - decembar:

- Nacrt Budžeta Općine Tešanj za 2017. godinu,
- Budžet Općine Tešanj za 2017. godinu,
- Odluka o izvršavanju Budžeta za 2017. godinu,
- Izvještaj o izvršenju Budžeta za III (treći) kvartal 2016. godine,
- Nacrt Odluke o izmjenama i dopunama "Urbanističkog plana Tešanj"

o Amandman Kluba vijećnika SDA: U Program rada dodaje se:

-Izvještaj o realizovanim aktivnostima iz plana obilježavanja događaja iz perioda 1992.-1995., a za predhodnu godinu, shodno ranijim zaključcima Vijeća.

Nakon rasprave o prijedlogu Programa rada i Amandmanima, Općinsko vijeće je jednoglasno sa 21 glasom „ZA“ usvojilo sljedeći zaključak: Daje se saglasnost Predsjedavajućem Vijeća da tokom 2016.godine vodi računa o dinamici realizovanja. Da Kolegij Vijeća ima u vidu sve prijedloge za uvrštavanje u Program rada a plan prerasporeda po kvartalima odrediti u saradnji sa Općinskim načelnikom.

IV

Zadaci utvrđeni Programom rada Općinskog vijeća su samo okvirni i određeni u minimumu.

Ovlašteni predlagači se ovim Programom ne ograničavaju, nego od njih Vijeće očekuje nove inicijative i prijedloge tokom 2016. godine, koji će se, po podnošenju na Vijeće, po proceduri propisanoj Poslovníkom o radu Vijeća, uvrštavati u dnevni red sjednica i voditi rasprava o istim.

Redovne sjednice Općinskog vijeća se održavaju, u principu, jednom mjesečno, a po potrebi i češće, dok se vanredne sjednice sazivaju prema ukazanim potrebama, s tim da dnevni red za sjednice Vijeća, u principu, ne bi trebao prelaziti 10 tačaka.

Predlagač i obrađivač materijala su obavezni pridržavati se rokova iz Programa prilikom izrade materijala iz svoje nadležnosti, te materijale blagovremeno dostavljati Stručnom odjelu Općine.

OPĆINA TEŠANJ OPĆINSKO VIJEĆE

PREDSJEDAVALUĆI VIJEĆA Senad N. Subašić, s. r.

**Broj: 01-49-2-2215-2/15
Datum: 3.12.2015. godine**

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 64. Zakona o zdravstvenoj zaštiti („Službene novine Federacije Bosne i Hercegovine“, broj:46/10), član 24. Zakona o ustanovama (Službeni list RBiH, broj: 6/92, 8/93 i 13/94) člana 13. Odluke o

utvrđivanju standarda i kriterija za imenovanje na upražnjene pozicije u reguliranim tijelima Općine Tešanj („Službeni glasnik Općine Tešanj“ broj 8/03, 1/04 i 10/06) i člana 14. stav 1. tačka 20. Statuta Općine Tešanj (Službeni glasnik općine Tešanj, broj:11/07), Općinsko vijeće Tešanj na svojoj 35. sjednici održanoj 2.12.2015. godine donosi

R J E Š E N J E

o konačnom imenovanju Predsjednika i članova Upravnog odbora Javne zdravstvene ustanove Apoteka i CMS "Tefarm" Tešanj

I

Za Predsjednika i članove Upravnog odbora Javne zdravstvene ustanove Apoteka i CMS "Tefarm" Tešanj imenuju se:

1. Karahmet Izudin, predsjednik,
2. Ajkunić-Ogrić Adisa, član i
3. Kerić Omer, član.

II

Mandat imenovanih traje 4 (četiri) godine.

III

Naknada za rad predsjednika i članova Upravnog odbora će biti usklađena sa Zaključkom Općinskog vijeća broj:01-05-5-447-4/05 od 24.05.2005.godine kojim je definisano da iznos naknade ne može biti veći od iznosa naknade vijećnika u Općinskom vijeću.

IV

Ovo Rješenje stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVALUĆI VIJEĆA Senad N. Subašić, s. r.

**Broj: 01-02-34-5-1934-6/15
Datum: 3.12.2015. godine**

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 64. Zakona o zdravstvenoj zaštiti („Službene novine Federacije Bosne i Hercegovine“, broj:46/10), član 24. Zakona o ustanovama (Službeni

list RBiH, broj:6/92, 8/93 i 13/94) člana 13. Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Tešanj („Službeni glasnik Općine Tešanj“ broj 8/03, 1/04 i 10/06) i člana 14. stav 1. tačka 20. Statuta Općine Tešanj (Službeni glasnik općine Tešanj, broj:11/07), Općinsko vijeće Tešanj na svojoj 35. sjednici održanoj 2.12.2015. godine donosi

R J E Š E N J E

o konačnom imenovanju Predsjednika i članova Upravnog odbora Javne zdravstvene ustanove "Opća bolnica" Tešanj

I

Za Predsjednika i članove Upravnog odbora Javne zdravstvene ustanove "Opća bolnica" Tešanj imenuju se:

1. Alić Meho, predsjednik,
2. Torlaković Murat, član i
3. Škiljo Nermin, član.

II

Mandat imenovanih traje 4 (četiri) godine.

III

Naknada za rad predsjednika i članova Upravnog odbora će biti usklađena sa Zaključkom Općinskog vijeća broj:01-05-5-447-4/05 od 24.05.2005.godine kojim je definisano da iznos naknade ne može biti veći od iznosa naknade vijećnika u Općinskom vijeću.

IV

Ova Rješenje stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-34-5-1934-8/15
Datum: 3.12.2015. godine

12/03), člana 64. Zakona o zdravstvenoj zaštiti („Službene novine Federacije Bosne i Hercegovine“, broj:46/10), član 24. Zakona o ustanovama (Službeni list RBiH, broj:6/92, 8/93 i 13/94) člana 13. Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Tešanj („Službeni glasnik Općine Tešanj“ broj 8/03, 1/04 i 10/06) i člana 14. stav 1. tačka 20. Statuta Općine Tešanj (Službeni glasnik općine Tešanj, broj:11/07), Općinsko vijeće Tešanj na svojoj 35. sjednici održanoj 2.12.2015. godine donosi

R J E Š E N J E

o konačnom imenovanju Predsjednika i članova Upravnog odbora Javne zdravstvene ustanove Dom zdravlja "Izudin Mulabećirović-Izo" Tešanj

I

Za Predsjednika i članove Upravnog odbora Javne zdravstvene ustanove Dom zdravlja "Izudin Mulabećirović-Izo" Tešanj imenuju se:

1. Kotorić Nermin, predsjednik,
2. Festa Galib, član i
3. Smailbegović Saliha, član.

II

Mandat imenovanih traje 4 (četiri) godine.

III

Naknada za rad predsjednika i članova Upravnog odbora će biti usklađena sa Zaključkom Općinskog vijeća broj:01-05-5-447-4/05 od 24.05.2005.godine kojim je definisano da iznos naknade ne može biti veći od iznosa naknade vijećnika u Općinskom vijeću.

IV

Ova Rješenje stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-34-5-1934-7/15
Datum: 3.12.2015.godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj

Općinsko vijeće Tešanj je na svojoj 35. sjednici održanoj dana 2.12.2015. godine, razmatrajući Nacrt Odluke o izmjenama i dopunama Regulacionog plana „Poslovna zona Bukva“ općina Tešanj, donijelo sljedeći

ZAKLJUČAK

Usvaja se Nacrt Odluke o izmjenama i dopunama Regulacionog plana „Poslovna zona Bukva“ općina Tešanj i upućuje na javnu raspravu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-23-6-369-4/15
Datum: 3.12.2015.godine

Općinsko vijeće Tešanj je na svojoj 35. sjednici održanoj dana 2.12.2015. godine, razmatrajući Informaciju o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama, donijelo sljedeći

ZAKLJUČAK

Prima se na znanje Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-35-2-2220-2/15
Datum: 3.12.2015.godine

Na osnovu člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik donosi:

ODLUKU

o pristupanju izradi Plana integriteta na lokalnom nivou

I

Općina Tešanj u cilju povećanja transparentnosti i javnosti rada, a time i jačanja povjerenja građana u rad jedinica lokalne samouprave, uz podršku

“Transparency International” Bosna i Hercegovina (u daljem tekstu TI BiH) pristupa izradi Plana integriteta na lokalnom nivou.

II

Imenuje se radna grupa za izradu Plana integriteta u sastavu:

1. Nerminka Handžić, član i koordinator radne grupe,
2. Azra Muslija, član,
3. Emina Šišić, član.

III

Zadatak radne grupe je da uz podršku TI BiH, kroz realizaciju VIII Modula (8 jednodnevnih treninga) učestvuje u kreiranju i uspostavljanju Plana integriteta na lokalnom nivou.

IV

Naknadu za rad članova radne grupe utvrdit će posebnim rješenjem općinski Načelnik po završetku i usvajanju Plana integriteta.

V

Odluka stupa na snagu danom donošenja, a objavit će se u Službenom Glasniku općine Tešanj.

OPĆINA TEŠANJ OPĆINSKO VIJEĆE

OPĆINSKI NAČELNIK Suad Huskić, s.r

Broj: 02-02-1-2108-2/15
Datum: 05.11.2015. godine

Na osnovu člana 30. Statuta općine Tešanj (Službeni glasnik općine Tešanj” broj:11/07), člana 17. Zakona o javnim nabavkama (“Službeni glasnik BiH” broj:39/14), u skladu sa Budžetom općine Tešanj za 2015.godinu a na zahtjev Službe za društvene djelatnosti i investicije općine Tešanj, općinski Načelnik donosi:

ODLUKU

o izmjeni i dopuni Plana nabavki općine Tešanj za 2015.godinu

I

U vezi sa ukazanim potrebama Općine Tešanj kao i na osnovu Sporazuma o zajedničkom učešću u realizaciji projekata iz “Programa utroška sredstava vodnih naknada za 2015.godinu-izmjene i dopune” od 11.11.2015.godine donesenog na osnovu Zaključka Vlade Zeničko-Dobojskog kantona broj:02-14-

20052/15 od 29.10.2015.godine o usvajanju izmjena i dopuna Programa utroška vodnih naknada za 2015.godinu, Plan javnih nabavki za 2015.godinu se mijenja tako što se u Plana nabavki za 2015.godinu dodaje tačka:

67. "Nastavak izgradnje cjevovoda na vodovodu Medakovo-Trepče, Izgradnja kanalizacije Šije i Izgradnja dijela vodovodne mreže Joldići", procjenjena vrijednost nabavke cca. 210.000,00KM sa PDV-om, budžetska stavka "Vodosnabdijevanje" ekonomski kod 821600 i "Lista Kapitalnih za 2015.godinu" ekonomski kod 821000, otvoreni postupak sa podjelom na lotove.

III

Ova Odluka objavit će se na web stranici ugovornog organa i čini sastavni dio Plana Javnih nabavki.

IV

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ OPĆINSKO VIJEĆE

OPĆINSKI NAČELNIK
Suad Huskić, s.r

Broj:02-2-1-390-7/2015
Datum:12.11.2015.godine

Na osnovu člana 30. Statuta općine Tešanj (Službeni glasnik općine Tešanj" broj:11/07), člana 17. Zakona o javnim nabavkama ("Službeni glasnik BiH" broj:39/14), u skladu sa Budžetom općine Tešanj za 2015.godinu a na zahtjev Službe za katastar, urbanizam i imovinsko-pravne poslove, općinski Načelnik donosi:

ODLUKU

o izmjeni i dopuni Plana nabavki općine Tešanj za 2015.godinu

I

U vezi sa ukazanim potrebama Općine Tešanj kao i na osnovu donatorskih sredstava u okviru Projekta "Izgradnja kapaciteta za unapređenje zemljišne administracije i procedura u Bosni i Hercegovini" organizacija CILAP će sufinansirati projekat "Označavanje naseljenih mjesta, ulica, trgova, označavanje objekata brojevima i uspostava adresnog registra" sa iznosom od 30.000,00KM o čemu je zaključen Ugovor o zajedničkom finansiranju "Projekta označavanje ulica i trgova nazivima i zgrada brojevima, te izradom adresnog registra za dio teritorija Općine Tešanj" između Općine Tešanj i CILAP-a pod brojem:

06-30-9-57-27/14 od 08.06.2015.godine, kao i na osnovu usvojenog Nacrta Budžeta Općine Tešanj za 2016.godine gdje su pod stavkom ekonomski kod: 613991 "Sredstva za označavanje naseljenih mjesta, ulica, trgova, označavanje objekata brojevima i uspostava adresnog registra" planirana sredstva u budžetu Općine Tešanj u iznosu od 30.000,00KM te se iz tog razloga Plan javnih nabavki za 2015.godinu mijenja tako što se u Planu nabavki za 2015.godinu mijenja tačka 37. koja glasi:

37. "Označavanje naseljenih mjesta, ulica, trgova, označavanje objekata brojevima i uspostava adresnog registra", procjenjena vrijednost nabavke cca. 75.000,00KM sa PDV-om, budžetska stavka "Sredstva za označavanje naseljenih mjesta, ulica, trgova, označavanje objekata brojevima i uspostava adresnog registra" ekonomski kod 613991, otvoreni postupak, rok za pokretanje postupka javne nabavke je odmah po potpisivanju odluke.

II

Ova Odluka objavit će se na web stranici ugovornog organa i čini sastavni dio Plana Javnih nabavki.

III

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ OPĆINSKO VIJEĆE

OPĆINSKI NAČELNIK
Suad Huskić, s.r

Broj:02-2-1-390-8/2015
Datum:02.12.2015.godine

Na osnovu člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik donosi:

R J E Š E N J E

o imenovanju koordinatora na provođenju aktivnosti realizacije potpisanog Sporazuma između Općine Tešanj i Ministarstva za poljoprivredu, šumarstvo i vodoprivredu ZDK

I

Imenuje se Selvedina Sejmenović, viši samostalni referent za provođenje projekata razvoja, koordinatom na implementaciji Sporazuma potpisanog između Općine Tešanj i Ministarstva za

poljoprivredu, šumarstvo i vodoprivredu ZDK vaš broj 05-25-9581-7-6/15 dana 11.11.2015.godine.

U slučaju odsutnosti koordinatora, zamjenski koordinator je Hajrudin Subašić, viši referent za provođenje projekata razvoja.

II

Imenovana će obavljati sve zadatke i koordinirati na realizaciji sporazuma između Općine i Ministarstva, te pratiti njegovu realizaciju.

III

Imenovana će navedeno zaduženje obavljati u okviru redovnog radnog vremena a po potrebi i van radnog vremena.

IV

Ovo Rješenje stupa na snagu danom donošenja i bit će objavljeno u "Službenom glasniku Općine Tešanj".

OPĆINA TEŠANJ OPĆINSKO VIJEĆE

OPĆINSKI NAČELNIK Suad Huskić, s.r

Broj:03-25-4-1710/15

Datum: 16.11.2015.godine

Na osnovu člana 13. stav 1. Alineja 9. i člana 119. stav 2. alineja 11. Zakona o zdravstvenoj zaštiti ("Službene novine FBiH", broj: 46/10), člana 10. Zakona o zaštiti stanovništva od zaraznih bolesti Federacije BiH ("Službene novine FBiH" broj: 29/05), Odluke Vlade zeničko -dobojskog kantona o odobravanju sredstava za provođenje preventivne sistematske deratizacije na području Zeničko-dobojskog kantona u jesenjoj fazi 2015. godine broj: 02-37-19865/15 od 04.11.2015. godine, a u vezi sa članom 13. Zakona o kantonalnim ministarstvima i drugim tijelima uprave (Službene novine Zeničko-dobojskog kantona", broj:13/08) i Naredbe Ministarstva zdravstva ZDK o provođenju obavezne preventivne sistematske deratizacije, na području ZDK –jesenja faza u 2015. godini, broj: 11-37-19865-1/15. od 06.11.2015. godine i člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik d o n o s i

N A R E D B U

o provođenju obavezne preventivne sistematske deratizacije na području općine Tešanj – jesenja faza u 2015. godini

I

Naređuje se provođenje preventivne sistematske deratizacije na području općine Tešanj –jesenja faza u periodu **od 13.11.2015. do 19.11.2015. godine.**

II

Preventivnu sistematsku deratizaciju – jesenju fazu će provesti JU Institut za zdravlje i sigurnost hrane Zenica uz angažovanje stručnog osoblja Doma zdravlja Tešanj.

Za nosioca poslova preventivne sistematske deratizacije određuje se JU Institut za zdravlje i sigurnost hrane Zenica.

III

Preventivnom sistematskom deratizacijom– jesenja faza će biti obuhvaćeni objekti i površine kojima upravlja Općina Tešanj, kao i objekti i površine na području općine kojima upravljaju pravna i fizička lica.

Preventivne sistematske poslove na deratizaciji objekata i površina kojima upravljaju pravna i fizička lica će finansirati dotični subjekti iz vlastitih sredstava, a površine i objekate u državnom vlasništvu Općina Tešanj i Vlada ZE-DO kantona.

IV

Subjekti koji podliježu provođenju obavezne preventivne sistematske deratizacije – jesenja faza, su dužni obezbjediti nesmetan rad izvođačima bez obzira na parcijalne radove ili ugovore koje posjeduju. Kontrolu izvođenja akcije za područje općine Tešanj provodit će općinski sanitarni inspektor.

V

Provođenje akcije obavezne preventivne sistematske deratizacije nadzirat će Kantonalni sanitarni inspektor ZE-DO kantona.

VI

Ova naredba stupa na snagu danom donošenja, a objavit će se u "Službenom glasniku Općine Tešanj" i putem sredstava informisanja.

OPĆINA TEŠANJ OPĆINSKO VIJEĆE

OPĆINSKI NAČELNIK Suad Huskić, s.r

Broj: 03-37-5-2161/15

Datum: 11.11.2015.godine

S A D R Ź A J

I - AKTI OPĆINSKOG VIJEĆA

	Strana
124. Odluka o usvajanju i provođenju izmjene i dopune Regulacionog plana "Poslovna zona Glinište".....	130
125. Odluka o dodjeli priznanja Općine Tešanj za 2015. godinu.....	134
126. Odluka o izmjenama i dopunama Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Tešanj.....	134
127. Program rada Općinskog vijeća Tešanj za 2016. godinu.....	135
128. Rješenje o konačnom imenovanju predsjednika i članova Upravnog odbora Javne zdravstvene ustanove Apoteka i centar za medicinsko snabdijevanje „Tefarm“ Tešanj.....	137
129. Rješenje o konačnom imenovanju predsjednika i članova Upravnog odbora Javne zdravstvene ustanove "Opća bolnica" Tešanj.....	138
130. Rješenje o konačnom imenovanju predsjednika i članova Upravnog odbora Javne zdravstvene ustanove Dom zdravlja "Izudin Mulabećirović-Izo" Tešanj.....	138
131. Zaključak-Nacrt Odluke o izmjenama i dopunama Regulacionog plana "Poslovna zona Bukva" Tešanj.....	139
132. Zaključak-Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama	139

II - AKTI OPĆINSKOG NAČELNIKA

25. Odluka o pristupanju izradi Plana integriteta na lokalnom nivou.....	139
26. Odluka o izmjeni i dopuni Plana nabavki općine Tešanj za 2015.godinu	139
27. Odluka o izmjeni i dopuni Plana nabavki općine Tešanj za 2015.godinu.....	140
28. Rješenje o imenovanju koordinatora na provođenju aktivnosti realizacije potpisanog Sporazuma između Općine Tešanj i Ministarstva za poljoprivredu, šumarstvo i vodoprivredu ZDK.....	140
29. Naredba o provođenju obavezne preventivne sistematske deratizacije na području općine Tešanj – jesenja faza u 2015. godini.....	141